



Notat

Til:
Kommunestyret

Frå:
Jan Erik Boge

Status i sak om livsnøytralt bårerom/syningsrom

Saknr/Journalnr
21/268/21/9461//JEB

Arkivkode
FA-D43

Dato:
25.11.2021

Kommunestyret handsama 22.04.2021 sak om bårerom ved Samnangerheimen (sak 031/2021). Det vart då gjort følgjande vedtak:

«Samnanger kommunestyre understrekar at det skal vera ei verdig handsaming av døde menneske og dei pårørande – frå dødsfallet skjer til gravferda/bisetjinga er fullført.

Rådmannen skal difor arbeida vidare med moglege løysingar for eit livsnøytralt bårerom/syningsrom, anten på Samnangerheimen eller andre stader.

Sak om dette vert lagt fram for kommunestyret innan utgangen av 2021.»

Bakgrunnen for sak 031/2021 var eit vedtak i kyrkjestyret i sak 5/21, der kyrkjestyret ber kommunen og Samnangerheimen å vurdere om det er mogeleg å stilla eit rom til disposisjon som «bårerom». Kopi av brev datert 19.03.2021 med kopi av heile vedtaket i kyrkjestyret følgjer vedlagt.

Administrasjonen har pr. no dessverre ikkje funne noko løysing for eit mogeleg livsnøytralt bårerom/syningsrom. Då Samnangerheimen vart bygd, vart eit eige bårerom/syningsrom ikkje prioritert. Det er også vanskeleg å sjå at nokon andre rom på Samnangerheimen vil vera eigna til dette føremålet, med mindre ein omdisponerer eit pasientrom til bårerom/syningsrom. Administrasjonen har heller ikkje funne eigna alternativ andre stader enn Samnangerheimen, for eksempel på helsetunet.

På grunn av at det ikkje er funne løysingar for eit mogeleg livsnøytralt bårerom/syningsrom, kan rådmannen pr. no ikkje leggja fram sak om dette.

Vedlegg:
Brev frå kyrkja datert 19.03.2021